



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

MDCCLXXXVII. Landgraf Ludwig von Hessen tritt der zwischen
Brandenburg und Sachsen bestehenden Erbeinigung vom 27. Jan. 1451
bei, am 30. April 1457.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

der vor vnd nach also zulassen vnd bestetiget hann, zcu lassen vnd bestetigen die jn vnd mit crafft diels brieues Sunder alle geuerde. Vnd wir fursten alle obgnante sullen vnd wullen vndereynander dar zcu getruwelich behulffen vnd furderlich sin, das diese vnser bruderschaft vnd sampnunge erste vnd lezte bestetiget werden von vnserm allergnedigsten herrn dem keyser vnd vns iglichem fursten besunder bestetigungsbrieue daruber werden gegeben. Vnd das diese vnser erbliche Bruderschaft, gutliche vereynunge vnd zculampne setzunge jn allen iren puncten, stugken vnd artikeln Stete, veste, ganz vnd vnverbrochen gehalten werden, Haben wir fridderich vnd wilhelm gebruder, Herczogen zcu Sachssen, vnd lantgraue ludewig vorgnant den obgnanten herrn friddrichen, Johanfen, Albrechten vnd friddrichen, Marggrauen zcu Brandenburg vnsern lieben Swegern, Swehern vnd Ohemen vnd wir friedderich, Johans, Albrecht vnd friedderich, Marggrauen zcu Brandenburg etc. gebruder vorgeannt den obgnanten hern fridderichen, heren wilhelm gebrudern, herczogen zcu Sachssen etc. vnd heren ludewigen, lantgrauen zcu hessen auch vnsern lieben Swegern, Swehern vnd oheme vnser eyne parthie der andern fur vns vnd vnser erben mit truwen gelobt vnd zcu gott vnd den heiligen gelworen, Geloben vnd sweren das gegenwertiglich jn vnd mit crafft diels brieues: vnd haben des zu warem orkunde vnd merer sicherheit vnser iglicher furste sein jungesigel fur sich vnd sine erben an diesen brieff lassen hengen. Geben zcu Nuwenburg, nach vnsern herrn Cristi geburt Tufent vierhundert vnd in dem Sybin vnd funfzeygsten iaren, uff fritag nach dem Sontage Als man jn der heiligen kirchen singet Qualimodogeniti.

Nach dem Original des K. Geh. Kab. Archives. — Kurm. Corialbuch III, 135. — König's Reichsarchiv (B. VIII) Part. spec. Cont. II, Bl. I, S. 763.

MDCCLXXXVII. Landgraf Ludwig von Hessen tritt der zwischen Brandenburg und Sachsen bestehenden Erbeinigung vom 27. Jan. 1451 bei, am 30. April 1457.

Wir Ludewig, von gotis gnaden lantgraue zcu hessen etc. Bekennen offentlich mit dissem brieffe vor vns vnd vnser erben, Als die Hochgebornen fursten Her friederich, Herczoge zcu Sachssen, des heiligen Romischen Ryches Ertzmarshalck, lantgraue in doringen vnd Marggraue zcu Miessen, her friederich, Marggraue zcu Brandenburg, des heiligen Romischen Richs Ertzcammerer vnd Burggraue zcu Nurenbergk, her Wilhelm hertzog zcu Sachssen, lantgraue in doringen vnd Marggraue zcu Miessen, Her Johans, her Albrecht vnd her friederich gebruder, Marggrauen zcu Brandenburg vnd Burggraue zcu Nurenberg, vnser lieben Swager vnd Oheim etc. vns von angehobner liebe, fruntschafft vnd bruderschaft wegen, darjun wir mit jne stehen, als jren miterben in die fruntliche erbeeynunge, dar jun sie mit eynander sich vor sich vnd jre erben voreynet vnd verbunden haben, jn aller massze vnd forme, wie dieselbe erbeeynunge, der datum stehyt

zcu Nuwenborg noch cristi vnfers heren geburt vierzehen hundert vnd in dem eyn vnd funffzigsten Jaren, vff Mitwochen noch Sanct paulus tage bekerunge, jnnheldet vnd vffzwyfzet, Also das wir jne beyden parthien vnd jrer iglicher dar jnn virwanntt, befondern vnd jren erben hinfur vor vns vnd vnser erben liebe, truwe, hulffe, raides vnd bieftandes vnd zculegunge reyfiges gezcuges hundert pherde, die wir yder parthie in der eynunge virwant zcu tegelichem kryge zculegen sullen, Nemlich vnd also den obgenanten vnfern lieben Swageren von Sachsen, willichem vnder jne die fehede angehinde worde vnd der houbtman were, abe ez dar zcu qweme, hundert pherde, vnd vnfern lieben Oheim von Brandenburg, Nemlich Marggrauen friederiche dem eltern vnd Marggrauen friederiche dem jungern, ab sie der krygk anginge, hundert pherde vnd Marggrauen Johans vnd Marggrauen Albrecht, abe sie der krygk berurende wurde vnd des houbt lute weren, hundert pherde: vnd willicher vnder den genanten fursten, in der eynunge benant, ader jren erben des kryges houbtman were vnd wir dem hundert pherde in bielegunge zcugeschigket hetten, So soln wir vnd vnser erben den kryck vsz den andern fursten in der eynunge benant noch iren erben nicht virbunden noch plichtig sin die genanten zcal der pherde in belegunge zcu schigken, Dan dem fursten alleyn, der des kryges houbtman ist, soln vnd wola wir die genante zcal pherde zcufschigken: vnd abe meher bielegens der pherde noit were, vns dar jnn auch halten mit vnser anzal noch lude der genanten eynunge alles ane geuerde, Auch rechtlichs vffztrags vor vns vnser erben vnd die vnfern zcuplegen vnd alles vnd iglichs zcuthunde virplichtet vnd virbunden sin, das wir jne auch getruwelich vnd sie widdervmb gein vns vnd vnser erben volleisten vnd halten sullen vnd wullen, wie vnd was dieselbe erbeynung in allen vnd iglichen jren stugken, puncten vnd artigkeln jnnheldet vnd begriffet, So vffst vnd digke das noch lute derselben eynunge zcu schulden kommet vnd an vns gefordert wirdet, Sondern vnd vffzgenomen der forme vnd wiese jne zcufolgen, so wir jne zcu hulffe zcukommen gemanet werden, Das die genante parthien vnd jre iglicher besonder in der eynunge begrefsen, die vns ader vnser erben zcufolgen erfordern, vns ader die jhene, die wir jne schigken von stund an, als wir vnd die vnfern vnser lant rymen, mit vorlegunge futer vnd koste anemen vnd jn jre lant suren, daselbes mit kosten vnd widdervmb in vnser lant virlegen sullen, Als wir jne das alles mit hantgebenden truwen vnd sie vns wieder vmb auch gelobt vnd vorsprochen vnd zcu gade den heiligen geswaren haben, globen vnd sweren jne das auch in crafft dießzes brieffs sonder alle geuerde vnd ane argelift. Vnd des zcu Orkunde geben wir iglicher parthie dissen vnfern brieff mit vnserm angehangen Ingefzel vorfigilt. Geschehen vnd gegeben zcu Nuwenborg an der Sail, vff den Sonnabint vor dem Sontag Misericordias domini, Nach Cristi vnfern hern geburt vierzehinhundert vnd darnoch in dem Sieben vnd funffzigsten Jaren.

Nach dem Originale des K. Geh. Kab. Archives K. 72.